

اداب عمومیہ میں منافی حرکتہ جسارت ایلراہسہ برماہدن برسئہ یہ قدر حبس
ایلہ مجازات اولنور

واکرب بوصورتلہ اضلال واغفال قضیہ سی بابا یاخود انواویاوصی اولان
کیسہ اردن ظہور ایدر ایسہ التی ماہدن بر بچق سنئہ یہ قدر حبس ایلہ
مجازات قنور

ایکیوز برچی مادہ یہ علاوہ بر خاقون علیہندہ عرض دعواسی مطلقا
زوجنہ وزوجی اولدیغی حالہ ولیسنہ عائد اولوب بوصورتلہ لدی الدعوا
ارتکاب فعل شنیع زنا ایلدیکی تحقیق ایدن خاقون اوچ آیدن اقل وایکی
سنہ دن زیادہ اولسامق اوڑرہ حبس ایلہ مجازات اولنور شو قدر کہ زوج
تکرار زوجہ سنی المغہ راضی اوله رق بوجزائک حکمی اسقاط ایدہ یلور
بویله فعل شنیع ایلہ محکومہ اولان خاقونک بوفعلدہ شریکی اولان شخص
دخی کذلک اوچ آیدن ایکی سنہ یہ قدر حبس ایلہ جزا اولنور و بوندن
بشقہ کندوسندن بش مجیدیه التوتسدن بوز مجیدیه التوتسدن قدر جزای
نقدی النور و بوشر یک تہمت علیہندہ قبولہ شایان اولہ یلہ جک دلائل فعل
مذکوری اجرا حالندہ و یاخود بر مسلمانک حریمندہ بولمقلقدن و یاخود کندو
طرفندن یازلمش اولان مکاتب و اور اقدن دخی استنباط اولنہ یلور و بومادہ نک
حکمی انجق بر خاقونک ارتکاب فعل شنیع زنا ایدو بدہ زوجی و یا بولسی
طرفندن عرض دعواسی وقوعنہ معلق اولوب دولت علیہ نک بومثلاو
فحشیات حقندہ ایوم مرعی اولان ضبطیہ نظاماتی احوال عادیدہ
کاکان جاری اوله جغندن اکا قطعاً شمولی بوقدر زوجہ سنیلہ بر لکدہ
ساکن اولدیغی خانندہ دیگر خاقون ایلہ زنا فعل قبیحہ مألوف اولان
زوجہ سنک شکایت واقعہ سی اوڑرہ سنہ فعل مذکوری ارتکابی تحقیق
ایدن زوج بش مجیدیه التوتسدن بوز مجیدیه التوتسدن قدر جزای نقدی
اخذیلہ مجازات اولنور

ایکیوز ایکیجی مادہ مغایر عارو حیاعلنا فعل شنیع اجرا سنہ اجتسار ایدن
شخص اوچ ایدن برسئہ یہ قدر حبس اولنور و بر مجیدیه التوتسدن اون
مجیدیه التوتسدن قدر جزای نقدی النور